

外證醫案彙編

外證醫業彙編卷三

陽湖趙能靜先生閱

陽羨余景和聽鴻甫編輯
會稽孫思恭順齋甫校刊

外部

○流痰

宜興張 高年營血不足寒痰滯絡右臂漫腫無頭皮色不變此
屬流痰和營化痰法。

歸身

羌活

橘紅

瓜萸

土貝

白芥子

薑夏

獨活

鈎藤

桑枝

覆方 流痰根盤漸收痰亦稍減助痛依然乃高年血竭不能營

養經絡所致再擬和血消痰順氣之法。

歸身

半夏

川斛

枸杞

旋覆花

鈎藤

橘紅

新絳

青蔥

天花粉

平望翁 氣阻流痰。由肝肺兩絡受傷。以致胸肋刺痛。不時氣逆。治宜理肺和肝。佐以化痰。冀其鬆機。以免潰毒之慮。

春柴胡

青皮

旋覆花

枳殼

桑葉

半夏麩

烏藥

廣木香

蘇梗

通草

鮮佛手

無錫時 勤勞不節。兼受六淫之氣。血脈凝滯。成為流痰。脈花瀉。背脊癢癢。皆屬逆軟。勿輕視之。

附子 兔絲 石斛 廣皮 紅花

丹參 杜仲 木瓜

覆方 病情前述。今不贅語。今脈形皆見虛象。轉旋維艱矣。再擬生脈散意。以圖吉人天相。

北沙參 川石斛 橘白 稽豆皮 穀芽

五味子 麥冬

甯波韓 陰虛內熱。而患虛損流痰。脊椎六七節。骨形突出。已現瘡勞之象。收功難許。

人參 白芍 北沙參 黃耆 鱉甲

料豆 川石斛 浮小麥

濮院朱 手腕流痰。

黨參

丹參

川貝

川斛

棗仁

茯神

橘紅

黃耆

浮淮陳小麥

楊州王

腰痛已久。按之有塊。防成虛損流痰。

虎骨

杜仲

當歸

黨參

兔絲子

續斷

製首烏

懷牛膝

枸杞子

胡桃肉

青浦龐

病後營虛。客邪乘入。肩背漫腫。作痛。此屬流痰。一經潰

破。非計月可愈也。

雲茯苓

金釵石斛

洋參

黑料豆

木瓜

鱉甲

橘紅

沉香

大豆黃卷

松江任 勞傷筋骨。痠痛不已。延久必損。流痰頑證。

鹿角霜 木瓜 續斷 廣橘紅 杜仲

原紅花 茯苓

滑關范 寒熱傷營。脈來弦滑。誠恐流痰復起。有根之病。一時難效。

茅水 廣皮 草薺 茯苓神木 秦艽

葛根 苦參 絲瓜絡

乍浦王 重感時邪。致發貼骨流痰。但年小症重。恐難勝任。法當

溫通氣血為主。

枸杞子 廣木香 廣皮 蘇梗 丹參

半夏

鈎藤

金華周 流痰腫堅且硬日漸長大皮色不變起有兩月有餘此係本原不足風火挾痰互結而成治之最難消散

鱉甲

夏枯草

昆布

茅菇

青蒿

萊菔子

海浮石

象貝

七保梅 三陰虛弱氣機有阻以致左腿漫腫形如覆碗成為虛損流痰延綿半載肌肉消瘦節骨突出已入瘡癆之候姑擬毓陰聊作保持之計

北沙參

鱉甲

黃耆

黨參

女貞子

牡蠣

火橘葉

沙蒺藜

陽春孫 內股流痰

柴胡

青支

土貝

粉甘草

半夏麩

廣皮

連翹

忍冬藤

黃浦宣 流痰

鹿角霜

廣皮

土貝

連翹

青皮

當歸鬚

生牡蠣

湘潭王 先斷脊梁後發流痰。勢必潰腐。乃素係本原虧怯。痰凝氣滯而成。診得脈來細數。胃氣呆鈍。漸入瘡瘍之例矣。難治之證。莫斯為甚。

黨參

茯神

焦神麩

鱉甲

川貝母

白朮

料豆

川石斛

扁豆

大豆黃卷

吳江唐

流痰由肝鬱所致。木腫堅硬。遲延失治。且多反覆。一經

潰破。非計月所可愈也。

黃耆

廣皮

川石斛

杜仲

黨參

川貝

甘草

川續斷

煨牡蠣

柳橋陳

勞傷氣血。致患流痰。正虛邪實。以消為難。

黨參

黃耆

杜穀芽

川石斛

棗仁

茯神

宣木瓜

青藿香

覆方

脈數身微熱。胃氣困憊。急須扶正。冀其潰後。胃氣甦復。再

無變證。方有回生之路。

黃耆

黨參

料豆

五味子

炙鱉甲

棗仁

白芍

川石斛

蘭溪朱

寒熱胸悶。飲食漸減。左肩漫腫作痛。防生流痰。

半夏麩

枳殼

木瓜

石斛

鈎藤

沉香

茯神

絲瓜絡

川貝

震澤范

流痰已成。破之難愈。

建麩

蘇子

沉香

枳實

砂仁

柴胡

橘皮

烏藥

川石斛

宛平郝

氣血有虧。濕痰滯絡。左腿漫腫作痛。皮色不變。此為流

痰。宜補元滲濕。佐以消痰。

黨參

炙黃耆

陳皮

半夏

木瓜

丹參

青木香

土貝

川石斛

覆方

痛緩腫減。頗有消兆。

黃耆

黨參

赤苓

冬朮

陳皮

土貝

青木香

川石斛

青浦顧

流痰發於腰下。此屬氣阻。法宜通導。

老蘇梗

查炭

陳皮

鈎藤

沉香

瓜蒌皮

橘葉

青皮

大麥芽

杭州金

先已脊斷。繼發流痰。內膿郁郁。聽其自破。係先後天不

足所發。刻論證參脈。見象極虛。縱乞靈藥石。誠恐無補。

北沙參 川石斛 廣皮 鱉甲 川貝母

淮山藥 白芍 木香 扁豆

東山席 環跳漫腫。隱痛遷延已久。此三陰虛濁痰凝滯。釀成虛損流痰。不可使潰。潰則難痊。

洋參 石斛 地骨皮 秦艸 川貝母

料豆 棗仁 薏殼

金澤凌 虛損流痰。破經旬日。膿流脈數。鬱熱蒸蒸。盜汗淋淋。胃陽困頓。亢陽無制。又值酷暑之令。久病之軀。支持不易。且擬和胃涵陰。以博轉機。

人參 川石斛 黃耆皮 橘白 穀芽

料豆

五味子

小麥

大豆黃卷

覆方。胃氣稍甦。盜汗略減。身熱得涼。甚屬佳兆。惟脈來仍數。膿色原清。肢節痠爽。伸縮自如。未免津液消耗。當仍陰陽並顧。再候轉機為妙。

人參

黃耆

製首烏

鱉甲

銀柴胡

棗仁

甘草

川石斛

稽豆皮

上虞郭。流痰潰久。脂水淋漓。津液日耗。診得左脈。關弦而細。兩尺無神。甚屬虛象。姑擬補元。徐圖收效。

製首烏

川貝

北沙參

珍珠粉

料豆

女貞子

茯神

丹參

黃柏。坂子。骨蒸鼻熱。而患流痰。已屬虛損之候。一經潰破。便難調治。

北沙參 川斛 鱉甲 青蒿梗 銀柴胡

橘白 川貝 稽豆皮

朱家角范 流痰潰破在通。宜補托兼施。

熟地 黨參 川續斷 白芍 歸身

棗仁 黃耆 左牡蠣

興化沈 背部。漫腫色白。頭發不一。症屬流痰。脈來細軟。盜汗不止。正虛邪實。急須補托。潰後如無變遷。徐圖收功。

鹿角尖 棗仁 川斛 黨參 枸杞

五味子 橘白 大麥芽 炙黃耆

青浦方 流痰繞臂漫腫。潰頭不一。形脈皆虛。縱好調治。還須靜養。收效之期。以待來年。

黃耆 禾仁 赤苓 穀芽 車前子

橘白 白朮 川斛

湖州凌 三陰虛熱。腹痛。背脊漸高。恐發流痰。以平托治之。令其消散。

生白芍 穀芽 查核 料豆 生鱉甲

川石斛 麥芽 藿梗 青蒿梗

青浦柳 素喜膏梁厚味。熱聚於中。濕困於脾。痺阻經絡。始起在

肩臂痛。繼則下引。腿足痠楚。且難屈伸。昨因刺鍼後。痛勢稍緩。頃診脈象。右手細軟。左手弦細。兼數。似屬氣血兩虧。痛久必成流痰。擬養血和絡。佐以清熱之法。

枳椇仁

茯神

木瓜

青木香

桑椹子

丹參

廣皮

煨葛根

陳墓秘 稚年弱質。左膝腫痛。步履艱難。有流痰之慮。宗大筋軟短。小筋弛長之法。為治。

北沙參

秦艽

丹參

菟絲子

廣皮

懷牛膝

鈎藤

杜仲

左牡蠣

茯神木

太倉朱 流痰發於背脊。及環跳兩處。勢在作膿。法擬補托。

黨參

棗仁

川斛

牡蠣

淮小麥

黃耆

白芍

鱉甲

料豆

青浦舒

短足流痰。

宣木瓜

鈎藤

川石斛

白菟殼

蘇子

藿梗

橘白

覆方 煨木香

丹參

木瓜

半夏麩

穀芽

杜仲

川續斷

長安馬

流痰。脈弦濇。營陰虧損。議以和營化痰。

菟絲子

桑椹子

鈎藤

川石斛

生白芍

附洗藥方

全當歸

五茄皮

川芎

紅花

木瓜

艾絨

草薢

獨活

桑枝

青木香

蘇州孟

寒熱久延

膝眼腫痛

膝為筋之府

能屈而能伸

係血虛

不能榮養筋絡

經脈空虛

寒濕著於肉裏

防發流痰

先擬疎解

嗣商和益營衛

羚羊角

川石斛

新會皮

青蒿梗

茯神木

忍冬藤

大豆黃卷

青浦曹

期門穴

漫腫作痛

脈象滑

乃肝膽蘊熱

濁痰凝滯而成

難以消散

天竺黃

川貝

鈎藤

絲瓜絡

陳皮

枳椇子

茯神

外科

流痰

九

覆方 蘇子

天竺黃

茯苓

真橘葉

川貝

新會皮

川石斛

絲瓜絡

黨參

虎邱頤

三陰虧損虛熱不已。脊梁漸曲如弓。環跳形腫如椀。皮

色不變。已成流痰虛證。但期無潰為吉。潰則元氣愈虛。便難收

效矣。

製首烏

鱉甲

鈎藤

桑椹子

川石斛

茯神

川貝

料豆皮

覆方 流痰高腫。緣正虛邪實。勢必潰破。破後損怯堪虞。議毓陰

補托法。

金石斛

黃耆

洋參

扁豆

川貝

五味子

茯神

棗仁

牡蠣

沈年歲壯盛。腕有氣痠。噉噉震動。氣降乃平。流痰未愈。畢丸腫硬。今入夜將寐。少腹氣衝至心。竟夕但寤不寐。頭眩目花。耳內風雷。四肢麻痺。肌腠如刺如蟲行。此屬操持怒勞。內傷乎肝。致少陽上聚為痲。厥陰下結為疝。衝脈不靜。脈中氣逆混淆。氣燥熱化。風陽交動。營液日耗。變亂種種。總是肝風之害。非攻消溫補能治。惟以靜養。勿加怒勞。半年可望有成。

阿膠

細生地

天冬

茯神

陳小麥

南棗肉

萬診脈數。左略大。右腰牽絆。足痿。五更盜汗即醒。有夢情慾則

遺。自病半年。脊椎六七節。骨形突出。自述書禱坐臥受濕。若六淫致病。新邪自解。驗色脈推病。是先天稟賦原怯。未經克旺。肝血腎精受戕。致奇經八脈中。乏運用之力。乃筋骨間痛。內應精血之損傷也。

人參一錢 鹿茸二錢 炒杞子三錢 當歸一錢 舶茴香炒黑一錢

紫衣胡桃肉 兩枚 生雄羊肉腎 兩枚

流痰者。方書皆云流注。流者流行。注者住也。人之氣血與天地合同。周流不息。循環無端。內經云。天宿失度。日月薄蝕。地經失紀。水道流溢。經路不通。五穀不殖。民不往來。巷聚居邑。則別離。處氣血猶然。氣滯血壅。則生癰腫。以癰疽概而言也。氣血注而

為癰發無定處隨在可生八九四五二三塊不等無穴可以立
名故曰流注先哲已有深意焉吾吳中皆曰流痰更有精義人
之津液灌溉肌肉經絡筋骨之間如天地之水無微不至遇隙
即入遇壅即歸一有壅滯阻而不行經脈滯而不通衛氣歸之
不得復反肌肉脈絡骨節骨空等處一有空隙之處津液乘虛
滲入如水之遇隙而入遇壅而歸也如海道迴薄之處蓄則凝
結為痰氣漸阻血漸淤流痰成矣痰阻於皮裏膜外氣多肉少
之處無血肉化膿有形可憑即成痰塊痰胞痰核痰癥等症痰
凝於肌肉筋骨骨空之處無形可徵有血肉可以成膿即為流
痰附骨陰痰等症况流痰一症脾虛濕痰凝滯最多或病後餘

毒稽留肌肉之內。或慾拔寒氣襲於經絡之中。或因氣阻。或因
血凝。若正氣盛。陽氣宣通。隨阻隨散。正氣虛。經脈澀滯。隨注隨
墜。屢發屢止。或潰或愈。雖云外證俱從內生。為內科者。不得不
究心焉。立方無一定章程。何也。天有寒暑。地有燥濕。人有虛實。
病有新久。部位有上下之分。經絡有藏府之別。年有長幼。強弱
症有陰陽。淺深。今數百方中。採擇妥善。酌正之方。四十九首。用
藥總總不同。寒者溫之。熱者清之。虛者補之。堅者軟之。結者散
之。損者益之。氣滯理之。血瘀行之。痰凝消之。臨時施治。隨證變
通。如作文之平淡奇濃。諸法悉備。潛心契默。滿紙玲瓏。開圓活
靈動之法門。化拘滯偏執之津梁也。質之高明。勿以平淡而忽。

謝余聽鴻註

人全書集卷之三

卷三 外部 流痰

十三

背部

發背

東山王 心火妄動。疽發於背。所慮瘡不起發。形勢平塌。法當內
外疎通。使毒氣分洩。庶不內陷。

黨參

茯苓

甘草

赤芍

地丁草

黃耆

杜仲

銀花

角鍼

連翹

同里朱 年逾六旬。背疽大逾徑尺。殊屬駭人耳目。幸脈數有力。
腐亦易脫。確為順候。調補得宜。指日可愈。

黃耆

茯苓

遠志炭

黨參

甘草

川斛

首烏

川貝母

穀芽

銀花

金澤衛 背部平塌堅硬不化。是屬陰候。法擬助陽補托以冀回陽續絕。

黨參

枸杞

遠志炭

石決明

黃耆

陳皮

甘草節

阜角針

常熟秦 發背如盆。氣分大虧。所以膿不甚多。脈來細軟。高年得此。決非輕候。

黨參

冬木

黃耆

官桂

阜角針

熟地

茯苓

甘草

筍尖

淡菴容

蒿墩尤 耄年忽發背疽。但腫不紅。此血氣衰弱之徵。非速愈之症也。姑擬補托以進之。再察端倪。

黨參

茯苓

當歸

銀花

青蒿梗

黃耆

玉竹

甘草

角針

六一散

上海姜

疥疽經旬。尚未化腐成膿。不甚嫩腫。慮傳陰分。治宜開洩回陽。以冀腫高毒化為轉機。

羌活

廣皮

厚樸

遠志炭

防風

青皮

藿香

扁豆葉

接服方

熟地

沉香

廣皮

白蔻殼

泡薑

艾絨

紅花

藿梗

橫涇嚴

勞力之體。風餐露宿。歷中六淫之氣。發疽於背。平塌不起。寒熱胸悶。此乃邪毒內閉。法擬祛邪化毒。可望旦夕取效。

青蒿梗 遠志肉 黃耆 廣皮 白蕊殼

六一散 紅花 甘草 銀花 阜角鍼

天花粉

木漬翁 肝氣內鬱不舒。鬱火內熾。致發背疽。肉色紫暗不榮。堅硬漫腫。不痛無膿。破流血水。形如割。兼發餘癰不一。此乃肝陽受傷其矣。治之棘手。殊費調停。

澄香 青皮 遠志肉 石決明 廣皮

甘草 銀花 青葙梗 半夏麩

末藥方 硃砂 珠子 牛黃 川貝 菜豆粉

丹陽潘 胸悶不舒。脾不健運。乃生背疽。根脚散漫。外皮雖腐。內

堅不潰。膿血腥穢不瑩納少。口燥。此屬脾土困敗。脾主肌肉之
生化之源。姑擬培養脾胃以食進。腫消為泰兆。

人參

茯苓

金石斛

苡米

穀芽

黃耆

甘草

川貝母

廣皮

筍尖

青浦易 年逾七旬。元氣已虧。背疽隱陷不起。殊為可慮。

製附片

黨參

茯神

角鍼

黃耆

鹿角霜

枸杞

廣皮

甘草節

遠志炭

平望呂 背疽伏隱。神怯脈軟。溺痛淋瀝。乃陰虧陽微。溫邪與敗
精俱陷也。法擬滋腎丸意治之。未許必竟中機。

肉桂

熟地

琥珀

淡旋容

甘草梢

黃柏

黨參

茯神

升麻炭

草薢

○蜂窩發狀如蜂房腫註

八折鄭 疽發於骨上至肩脊下連腰脇腫若瓜形頭如蜂房者
十餘處按脈洪大尚於證合可為順兆擬托理消毒主之

細生地

甘草

銀花

角鍼

赤芍

生黃耆

連翹

丹皮

土貝

筍尖

崑山馮 背疽形如覆盆始以忽視遂致燎原莫遏脈來細軟無
力膿腐難脫界限未分蜂窩未透胃氣頗鈍此藏陰虧府陽易
困矣。勉擬助陽化毒納食胃甦為轉機

黨參

廣皮

紅花

枸杞

鹿角尖

黃耆

川貝

半夏

筍尖

遠志炭

覆方。界限未半。蜂窩已現。膿腐略脫。按脈雖細有力。似有鬆弛。但胃氣未甦。疸色深滯。乃毒邪深固。驟難載之使出。所謂力在波中。收帆未定也。仍議溫托。以望納穀有加。方是佳音。

鹿角尖

生黃耆

炙黃耆

蘇子

茯神

潞黨參

棗仁

半夏

廣皮

砂仁

鮮穀子露代水煎藥

再覆方。腫收毒化。腐脫新生。飲食較前增納。是為順候矣。

人參

黃耆

茯神

銀花

半夏

甘草

蘇子

枳椇

砂仁

花粉

蓮子發

即太陰疽疔，經積熱為多生，肩脾內以其形而言也。
驗註

嘉善何

搭手疽潰，沖突高腫，上至肩項，下連腰脇，腐脫成片，膿

流作孔，形如蓮子，潰雖半背，尚屬順候，擬清化中，寓以補法。

黨參

甘草

穀芽

陳皮

花粉

黃耆

銀花

土貝

赤芍

白朮

對心發

生於背裡對前心者是也。驗註

青浦褚

對心發背，其勢極重，所幸藜藿素居，可卜慶生有兆。

黨參

紅花

白朮殼

陳皮

遠志

羌活

青皮

石決明

角錢

藿梗

搭手

即偏發背。驗註

周莊成 年逾六旬。搭手疽。不能高發。頭雖腐。而膿未成。洩神識昏潰。有內陷之兆。姑擬清理托毒。以參消息。

羌活

新會皮

藿梗

筍尖

石決明

甘草

遠志炭

青皮

菴殼

覆方。瘡形得起。神識得清。是乃佳兆。惟皮色不變。版滯不潤。膿毒未見蒸化。邪毒留戀於內。必須溫補化毒。方有鬆機。

黃耆

首烏

砂仁

遠志

鹿角片

甘草

杞子

扶神

白芍

新會皮

再覆方

新肌已露。腐亦盡脫。元氣已虧。宜慎調理。

黨參

黃耆

歸身

五味子

茯神

白芍

砂仁

製首烏

○腎俞發

即腰痠又名連腎發時註

方基來 腎俞發由腎精虧損而成。喜其紅活高腫。猶為順候。擬養榮湯主之。

黃耆

茯苓

白芍

白朮

陳皮

北五味

遠志炭

○下背疽

即對臍發時註

青浦唐

下背疽平塌不起。法宜溫化以望轉機。

沉香

陳皮

黃耆

泡薑

龍殼

枸杞

紅花

甘草

遠志炭

丹毒發

此症多服丹藥膏藥春方所致。聽許

周莊錢

背疽半腐半斂。根脚紅暈。防發丹毒。切勿輕視。

黃耆

棗仁

陳皮

川石斛

砂仁

茯苓

甘草

荷梗

淮山藥

南翔張

搭手腐未盡脫。毒尚未清。誤投溫補。以致寒熱昏憤。幸

起丹毒

不致內陷。擬清解管分。

忍冬花

赤苓

白芍

花粉

連翹

粉丹皮

犀角

山柰

紫花地丁

生地黃

肩井發

即上搭手。使註

楓涇池

肩井及外股兩處發疽。頭雖腐而毒未洩。是以紅痛不

減。又見紅痢。腹痛。後重。胃減。脈軟。此皆暑濕之邪。內干脾胃。外留經絡所致。擬清暑和中。并兼托毒。

黃耆 赤苓 米仁 藿香 遠志炭

陳皮 甘草 六一散

背。中屬督脈。兩傍屬足太陽脈。督脈從尻骨後。上行背脊中。直上巔頂。足太陽脈從目內眥。上額交巔。至耳上角。後行下項。循肩膊內。分二道。一道俠脊傍。開寸許。一從腰下貫臂。入膈中。一道從肩膊下。俠脊傍。開三寸。下過髀樞。循髀外合膈中。至足小指外側而終。五藏六府之俞。皆在脊之兩傍。足太陽之部位。發背生於正者。易治。生於偏者。難治。正者督脈。為十二經之

統脈自下而上，主一身之陽。屬陽證者多，氣血上衝，易起易發。偏者屬足太陽脈，為六經之首領，北方寒水之位，自上而下，氣血下流，屬陰證者多。易陷易塌，又兼藏府之俞，皆在其間。背疽者，皆由內而外發。五藏根本皆繫於背。唐太宗有免鞭背之刑。背上受傷，關係藏府。肺俞在第三椎，生於上者則傷肺。心俞在第五椎，肝俞在第七椎，膽俞在第八椎，生於中者則傷心於肝。脾俞在第九椎，腎俞在十二椎，生於下者則傷脾於腎。汪省之曰：背疽令患者，兩手上下左右摸之，搭著者以搭手治，摸不著者，正真發背。余以兩手摸之，滿背皆搭著，豈滿背俱是搭手，而無發背耶？發背者，背疽之總名也。搭手對心，對臍，腎俞，蓮子，蜂

窩椒眼都背疽之別名也。臨證之時先驗其偏正上下左右部位。即知屬於何臟。再思其發於何因。或陰虛火盛。或醱酒厚味。或怒鬱房勞。或丹石熱毒。或風寒滯絡。再辨其證之陰陽虛實。紅活黯滯高突陷塌。再診脈之虛實。人之肥瘠。胃氣強弱。神識清爽。煩悶昏憤。天時寒暑。內外並參。細心玩索。隨證立方。循理用藥。臨時施治。辨症明了。如能絲絲入扣。巧自生矣。今輯二十

七方管窺之論。存待高明之士更從而正之。鄙人之願者矣。全聽

鴻註

余習業費蘭泉師處。談及孟河巨富巢姓。年近耳順。素喜醱酒厚味。身胖肉厚。正值酷暑。而發背疽。長尺餘。闊七八寸。延費士

源前、吾師之祖也。服藥治內，延沙達周先生治外。治之而月
膿潰腐脫，瘡沿漸平。新肌如蓮子色，嫩紅如珊瑚。胃氣甚強，惟
瘡口不能收束。士源前輩服藥數十劑，皆和胃利濕清暑。極平
淡之方。沙曰：瘡口不收，非用大補難已。生肌奏效，費啜之仍以
苓朮、苡米、藿梗、荷梗、二陳等類。沙急曰：若不用補，豈能速效。嘗
笑曰：患者早食蓮子紅棗一椀，午飯海參煨肉一椀。正在濕感
之時，利濕清暑和胃尚且不及，倘服參耆溫補，碍氣血壅塞，
助火內燔，瘡色泛紫，胃氣一敗，神識昏憤，變症眉睫，禍且不測
矣。况二人兼治一症，功過平分，幸勿憂也。先生治外雖請內科，
未能講究沙乃佩服，共服藥百餘劑，未服一劑溫補而痊。孟河

沙達周先生瘍科名重一時。尚未講究內科。今時之瘍科。未知考究內科何如耳。所以人以胃氣為本。五穀為養。五果為助。五畜為益。五菜為充。五味調和。補益精氣。不可不知。余聽鴻誌。

孟河巢沛三先生橫橋看一開肉鋪者。身上流痰十餘塊。潰後口裂。黑色根盤肉。瑣硬不知痛癢。無膿流水。肌肉皆削。胃氣索然。患者曰。我戒口多時。胃氣日收。不知能補食。葷腥。沛三先生曰。思食胃氣尚旺。肉鴨稍可食之。患者曰。若能開葷。死亦瞑目。看其病情。多服寒涼。凝結氣血所致。投以金匱腎氣湯。月餘。肌肉轉紅。漸軟作癢。至兩月後。先生再至橫橋。見一人體肥貌豐。叩謝。送香銀廿枚。曰。再造之恩。終身不忘。先生覩面不識。問其

原委。從開葷之後。胃日健旺。一方服六十餘劑。瘡平肌復。所以
外症。以胃氣為本。胃以喜為補。若各物禁之。寒涼尅伐。戕胃。或
溫補壅塞。助火。聖人云。盡信書。不若無書。臨症變通。方為上工。
余壬午秋。至琴川。有張姓。身上數十孔。大如錢。色黯肉爛。流水。
無腥穢味。不知痛癢。肌肉瘦削。人皆謂楊梅瘡。余曰。寒涼凝結。
出前醫之方。俱苦參、黃柏、木通、翹、梔、苓、連、土、茯苓等類。因戒口
極盡。使其開葷。從先生金匱腎氣法。十餘劑。後服溫通氣血之
品。廿餘劑。而痊。後遇數症。應手。皆食先生之德。故記於此。聊志
感仰之意。余聽鴻誌

蘇州一小兒。甫九齡。頗聰慧。而患流注。肩背腰脇十餘處。百端

醫治無效。余視之。曰。此惟大活絡丹能愈。服至三十餘丸。未破者消。已破者收口。更服補氣血之藥而愈。蓋流注一症。由風寒入膜所致。膜在皮中。旁通四達。初無定處。以所隨處作患。此真絡脈之病。故古人製大活絡丹以治之。其餘煎丸皆非正治。所謂一病有一病之法。藥不對證。總難取效也。徐洵溪

本色劉近曾夫人患虛痰流注。色眊脈虛。發無定處。病極陰危。非旦夕可奏功。余辭不能治。郡中一醫以百金包好。因留在家治之。聞余有不能治之說。笑曰。我醫好後。更請徐君質之。當無言可對耳。月餘。劉君之兄元谷招余診視。近曾出口。流注之疾雖向愈而未收口。託在相好。肯一觀否。余因視之。有後瘡孔大

如錢內膜乾空。與皮不連。氣促脈微。診畢而出。近曾求方。余笑不答。書危在頃刻四字。劉不信。少頃。內呼劉父子入。已氣絕矣。羣執包好之醫。欲加以無禮。余曉之曰。此病本不治。非藥誤也。但不知生死。為無目耳。乃釋之。蓋流注之證。其類不同。大段皆津液枯。而痰流膜內之症。當內外交治。而祛邪補虛。亦另有切病方藥。蠻補無益也。徐河漢

嘉善張卓年。未弱冠。患流注五年。自脇及腰腿。連生七八孔。寒熱不食。僅存人形。歷年共服人參二三千金。萬無生理。父母先亡。只有慈母。其伯悉收其田產文契。專待其斃而取之。其從兄汪千。造余家哀懇。余頗憐之。破格往視。半身幾成枯骨。此乃虛

痰流注醫者不能治其經絡之痰。徒費重資。而一無中病者。則藥之誤。而非病之真無治也。余用大活絡丹為主。而外敷拔管生肌之藥。醫者聞之。大笑曰。活絡丹。辛暴之藥。豈可入口。蓋彼惟知俗本所載。烏頭虻蛭之活絡丹。而不知古方。五十餘味之。大活絡丹也。蓋流注之痰。全在於絡。故非活絡丹不效。以後膿稀肉長。管退筋舒。漸能起立。不二年。而肌豐肉肥。強健反逾於常。嗚呼。不知對病。徒事蠻補。舉世盡然。枉死者。不知其幾也。

溪

王孟英曰。大活絡丹。治虛痰流注。深為合法。而外科不知也。若實痰。控涎丹最妙。

聖濟方五十味大活絡丹

如無聖濟方查之勝註

徐回溪醫書六種錄存

洞庭吳姓從徐州經紀返棹背起粟粒深紫色而痛應心周圍軟肉皆不仁知非輕證未至家而就余治余辭不能再三懇求姑用圍藥束之稍定病者曰我尚未到家當歸處分家事求借一塵如果不治死無餘憾歸二日而復來其瘡不甚大頂微高而堅黑當用刀挑破方可上藥以洋刀點之洋刀堅利非凡竟不能入用力挑之刀頭折乃用金鍼四面刺之以洩毒氣內托外敷其方屢變然膿從四旁出頑蓋自落約深半寸脊骨隱露其尖腐去急以生肌散填補之內服峻補之劑兩月而肉滿皮完此九死一生之證不早為外束內托則焦骨攻藏無生理

周莊陸姓。疽發背。周徑尺餘。一背盡腫。頭以百計。毒氣內攻。沉悶昏迷。醫者以平塌無頭。用桂附托之。余曰。此瘡止宜收小。若欲加高。則根盤如此之大。而更加高。則背馱栲栳矣。此乃火毒用熱藥必死。乃以東根盤提毒之藥敷之。一夕瘡頭俱平。皮膚亦潤。止有大頭如杯。高起於大椎骨之下。大三寸許。尚不思飲食。惟求食西瓜。醫嚇以入口。即死。余縱其所食。一日之內。連喫兩個。明日知飢。欲求飲食。肉四兩。飯半碗。明日更加。始終用托毒清火之劑。而膿成口斂。余屬曰。此疽初起。盈背。背中脂膜皆空。非填補裏膜。必有他變。有庸醫獻媚曰。病已全愈。為此說者。

國厚謝耳。我力能保之。病家利其省費。從之。至來年三月。忽舊
疤中一細眼流血不止。放血斗餘。兩日而卒。蓋其前一背盡腫。
其中之脂膜俱化成膿。從大口出盡。庸醫安知治法。貪利誤人。
富貴之家。往往最信此等人。可不察耶。徐泗溪

郡中唐廷發。偶過余寓。時方暑。謂背上昨晚起一小瘰。搔之甚
癢。先生肯一看否。余視之。駭曰。此對心發也。唐不甚信。曰。姑與
我藥。余曰。君未信。余言一服藥而毒大發。反疑我誤君矣。含笑
而去。明日已大如酒盃。而痛甚。乃求醫治。余曰。此非朝夕換方
不可。我不能久留。郡寓奈何。因就醫余家。旦暮易法。其中變遷
不一。卒至收口。其收口前十日。忽頭痛身熱。神昏譫語。瘡口黑

臨六脈參差。余適出門。兩日歸而大駭。疑為瘡證變重。幾無可藥。細詢其僕。乃貪涼當風而臥。瘡口對風。膏藥又落。風貫瘡中。即所謂破傷風也。乃從外感治法。隨用風藥得汗而解。身涼神清。瘡口復起。仍前法治而痊。若不審其故。又不明破傷風治法。則必無效。惟有相視莫解而已。徐泗漢

余幼時在孟河。見吾師曹秋霞先生。三弟名煥美。風寒虛痰入絡。肢腿隱痛。彼因自開藥肆。妄自立方。以參耆鹿膠杞仲附桂熟地溫補之品。服三四劑。痛甚。服至十餘劑。四肢癱瘓。不能動。肌肉如死。不知痛癢。二便遺之滿床。後延馬培之先生。及其大少君。送亭兄診視。曰。風寒虛痰阻絡。被膩補碍塞氣機。營衛不

通已成壞疽不治之病。後延之市庸。逢骨節大肉處。色既白。肉潰。流粘水。肉如爛瓜。而斃。所以藥謝。此病死更速。更慘。余因流注發背。為外科大症。錄醫案數首。以廣見聞。然溫補寒涼。細心斟酌。倘一誤投。追悔莫及矣。余聽為誌。

肩臂部

肩疽

丹徒黃 肩挑傷絡。瘀凝為毒。與風濕治法不同。

柴胡

連翹

廣皮

青皮

歸鬚

半夏麩

土貝

甘草

木瓜

丹參

桔梗

肩疽生於足少陽膽經。負重氣血凝結而成。先生用藥從少陽進步。所謂引經之藥也。聽註

。樂疽

休甯倪 腋上堅腫。痛引乳絡。由包絡血熱氣鬱而成。名為樂疽。月餘不潰。頗屬頑證。

文選書之... 卷三

遠志肉

川貝

黃耆

川石斛

茜草

夏枯草

丹參

白芍

荷葉蒂

○魚肚發

青浦顏

瞞後垂肉。焮腫赤色。名魚肚發。凝行癢化毒。

柴胡

桃仁

厚樸

杏仁

青皮

桔梗

廣皮

江枳殼

魚肚發生於心經之青靈穴。

聽誌

○石榴疽

太倉邱

少陽相火。與外風相搏。時失患瘍。名曰石榴疽。以菊花

清燥湯主之。

生地

當歸

甘菊

麥冬

黃芩

川芎

白芍

知母

甘草

柴胡

升麻

土貝

地骨皮

犀角尖

肩臂瘡疽甚多。有羣書可考。縱不出癰疽治法。如治內症。傷寒不出六經。溫熱須辨三焦。外症亦然。今採四方。一經之症。皆有引經之藥。隨證加之。徒使發散托裏。誠恐無益。余臨鴻註。

長興周某之子。臂生疽。經年膿水不乾。變為多骨。所食米粒。漸有從疽中出者。奄奄待斃。余為內托外敷。所服末藥。從瘡口出。繼而膿漸減少。所出碎骨。皆膿結成。出盡之後。肌肉日長。口收。痂結而愈。徐泗溪。

乳脅腋肋部

○乳癰

光福徐 右乳紅腫作痛。脈數有力。此乳癰欲作膿也。擬神效瓜
萸散。

全瓜萸 連翹 漏蘆 橘核 土貝

蒲公英 甘草 銀花 角鍼

太倉楊 乳房結核。由氣血相搏。因而成癰。以調和氣血。佐以清
解為主。

當歸 川貝 陳皮 川芎 山慈菇

白芍 蘇子 青皮 甘草 山查核

周莊錢 乳房紅腫。勢難全散。投以疎解。半托半化。

蒲公英

川芎

銀花

土貝

角錢

青皮

甘草

橘葉

金澤宗

乳房作痛。惡寒發渴。此屬厥陰氣阻。

柴胡

赤芍

丹皮

蔓仁

黃芩

連翹

枳殼

橘葉

蒲公英

陳墓李

乳傍木腫。已經半月。症屬外吹。以橘葉散治之。

柴胡

山梔

橘葉

陳皮

連翹

青皮

川芎

甘草

黃芩

蘆根

青浦朱

乳癰雙發。寒熱疼痛。但此毒令。以解毒利濕為主。

葛根 陳皮 厚樸 瓜蒌 枳殼

青皮 滑石 麥芽 扁豆皮

黎里施 乳塊雖鬆。姑置弗治。泛泛欲嘔。飲食漸減。是脾被肝賊。且以養胃和肝為主。

半夏 白芍 茯苓 陳皮 伏龍肝

益智 金石斛 菴朮炒竹茹

南翔周 肝胃不和。乳汁壅滯。結為乳癰。晝夜脹痛。正在蒸煉之候。擬與清肝行乳。以冀膿洩痛減。

柴胡 新會皮 漏蘆 青皮 山楂核

瓜蒌 蒲公英 麥芽 連翹

嘉定張乳癖。潰傳囊絡。穿頭不一。是肝胃之火。治宜清涼通乳。指日可愈。

羚羊角 連翹 夏枯草 土貝

瓜蒞仁 銀花 大麥芽 甘草

崇明蔣乳漏。經年膿水不絕。纏囊潰絡。脈形細澹。係產後血虛。理宜補托。漏可愈矣。

洋參 石斛 丹參 川芎 苑蔚子

黃耆 歸身 白芍 川貝

金澤許乳中。結核兩月。木腫不痛。名為乳癖。幸有哺乳。囊絡疎通。法以化堅行瘀。核自消矣。

葛根

羌蔚子

青皮

夏枯草

麥芽

連翹

瓜蒌仁

陳皮

山查核

川貝

覆方 前方已過。仍以此法繼進。

黨參

瓜蒌

川石斛

川芎

川貝

黃耆

青皮

夏枯穗

橘白

香附

上海金 乳裂愈而復發。發而仍愈。小兒吮乳。痛如鍼刺。乃肝胃受熱之故。雖為小恙。治之非易。

生地

川芎

花粉

橘葉

羚羊角

當歸

白芍

白芷

藕汁

蒲公英

泗涇吳

右乳。疼痛經旬。陽明氣阻。脈來弦急。欲作膿矣。擬托裏

托毒。

煨馬根

川芎

鮮蓮房

王不留行

忍冬花

瓜蔓

蒲公英

角鐵

崇明葉

乳癰潰後。膿出未盡。寒熱微作。屬陰虛生內熱。擬八珍

湯主之。

黨參

歸身

白朮

甘草

銀柴胡

生地

白芍

茯苓

川芎

新會皮

蘆墟沈

毓麟七月。乳上患癰。名曰內吹。破潰一月。膿水淋漓。四

圍餘腫未退。傳囊又發。治宜安胎化毒。

生地

瓜蔓

淡荅

甘草

銀花

荷葉

橘皮

川石斛

鴨村顧 懷妊六月。右乳焮腫。作痛。名為內吹。宜安胎化毒。

柴胡

土貝

橘皮

蒲公英

甘草

黃芩

川芎

生地

製香附

湖州錢 乳癖。是肝脾二經氣凝血滯。結為癰毒。皮色不變。漫腫

無頭。宜和肝脾為主。

製香附

石斛

查核

丹參

廣皮

炙橘葉

川貝

白芍

竹茹

七堡陶 乳癰。已久延不已。防其變漏。

黃耆

川芎

蒲公英

白芍

鮮荷葉

花粉 廣皮 萱草根

威澤周 乳癰作痛。肝火鬱也。

瓜蒌皮 橘核 夏枯草 川貝 枳殼

蒲公英 連翹 川楝皮 山梔 竹葉

震澤沈 肝氣抑鬱。宿患乳核。宜平肝解鬱。

川楝子 薄荷梗 香附汁 丹皮

瓜蒌實 青橘葉 夏枯穗 山梔

某 情懷悒鬱。肝氣不舒。患乳生癰。膿潰。血液大耗。氣蒸上逆。咳嗽左脇內痛。不能轉側。益肝絡少血內養。左右升降不利。清潤治嗽無益。

炒桃仁 當歸 茯神 丹皮

柏子仁 阿膠

某 咯血後。左乳傍脹。噯氣始寬。是左升太過。右降無權。肝絡阻
塞。氣為之痺也。

旋覆花 枇杷葉 新絳 小蠟

熟地炭 青蔥管 阿膠

沈氏 肝氣鬱遏。宿痞乳癰。

川棟子 黑山梔 薄荷梗 香附汁

夏枯草 瓜蒌實 青橘葉 丹皮

劉氏 乳房。為少陽脈絡經行之所。此經氣血皆少。由情懷失暢。而

氣血鬱痺。有形而痛。當治在絡。恐年歲日加。竟成沉痾疾。非癰膿之症。以脈不浮。數無寒熱辨之。

柴胡

夏枯草

歸身

白芍

川貝

茯苓

甘草

某氏乳房結核。是少陽之結。此經絡氣血皆薄。攻之非易。恐產育有年。釀為瘍症耳。

青蒿

丹皮

香附

橘葉

青菊葉

澤蘭

鬱金

當歸鬚

○乳巖

瀏河馮

左乳結核。積久方痛。肝鬱成巖。宜襟懷寬解。庶可帶病。

延年。姑擬益氣養榮湯。以觀機宜。

人參 茯苓 陳皮 川貝 當歸

川芎 黃耆 熟地 白芍 桔梗

於朮 甘草 製香附

臧澤許 乳中結核多年。不疼不癢。日漸高腫。脈來細澹。左關弦甚。此乃肝脾氣鬱而成。難以消散。且以擬歸脾湯。常服。庶不致潰。

黨參 冬朮 歸身 陳皮 遠志

黃耆 黃草 川貝 甘草 茯苓

嘉定林 乳瘍之中。巖為難治。

黨參

白芍

茅菇

川貝

歸身

天葵

蘇子

萸仁

夏枯草

楓涇許 乳巖之症。皆由情志不遂。肝脾積鬱而成。現在潰爛。失血如壑。治之頗屬掣肘。倘能怡養性情。即延年上策。乞靈藥石。誠恐無補。

清阿膠

合歡花

棗仁

黃絹父

金石斛

北沙參

茯神

白芍

許開孫 乳房為少陽行經之地。氣血皆少。加以情懷失暢。氣血痺營。有形而痛。治當在絡。脈瀉無寒熱。非癰膿之候。恐年齒日加。必成巖症。

柴胡

佩蘭

川貝

夏枯草

當歸

茯苓

甘草

白芍

吳江徐

乳巖潰腐。勉擬補益。聊作支持之計。

黨參

黃耆

川貝

遠志

川鬱金

白芍

當歸

冬朮

茯苓

甘草

常熟張

三陰瘧後。兩乳堅腫。此由肝脾氣鬱。防成巖症。

柴胡

威靈仙

歸身

川石斛

白芍

製首烏

牡蠣

木樨葉

無錫秦

乳巖。多由肝脾氣鬱所致。不疼不癢。似乎小恙。然非輕

淺之症。宜情懷寬解。庶幾免潰爛之虞。

黨參

棗仁

丹參

茜草

清阿膠

黃耆

川貝

續斷

白芍

荆溪俞 乳巖四十載。潰爛如墟。穢水淋漓。甚則出血。證屬棘手。
珠難圖治。且以止血。

黃絹灰

地榆灰

陳椶灰

絲綿灰

藕節灰

蒲黃灰

艾葉灰

馬尾灰

血餘灰

蓮房灰

各藥醋炙為末。糯米湯下。

崑山王 年已五旬。乳巖經久。不能全消。宜絲慮除煩。勝於苦口。

藥石。

金香附 川貝 山查核 廣皮 白芍

山茨菇 當歸 煨牡蠣

南潯宋 肝胃不和。乳中結核。始以澹然。漸致狂狃。書云。巖無愈理。況素有氣惱。肝陽尤盛。宜屏閑家務。希圖漸消。

製香附 陳皮 黨參 白芍 山茨菇

川石斛 當歸 川貝

黎里陳 乳房結核。在少陽之絡。此經氣血皆薄。攻之非易。恐遷延歲月。釀為巖證耳。

川鬱金 香附 丹皮 澤蘭 鮮菊葉

青橘葉 當歸 青蒿 蒺藜 鮮竹茹

震澤沈 乳房結核如拳青筋暴露脈來細澹此因氣血不和鬱
結成巖證屬頑硬無求速愈擬煎劑以和營衛之乖連進丸劑
以攻結核之堅頑庶幾得中病機

生洋參 茯苓 川芎 冬朮 白芍

炙橘葉 歸身 甘草 生地 杜蠟

附丸方 製香附 神麩 茯苓 甘草 川芎

白朮 黑山柅 厚樸 橘紅 查肉

乳症皆云肝脾鬱結則為癖核胃氣壅滯則為癭疽乳頭屬肝
乳房屬胃男子乳房屬腎此乃先哲大概言也大匠誨人與規
矩而已況乳癆證名甚多有羣書可考然治法之巧在臨證施

治之人。余細思之。胸中所過經絡甚多。其症之始。各有其源。若不知經絡。病因虛實。如治傷寒。不辨六經。茫無頭緒。聊將經絡病因錄之。幸乞高明指正。內經曰。脾之大絡。名曰大包。出淵液下三寸。布胸脇。胃之大絡。名曰虛里。貫膈絡肺。出左乳下。其動應衣。脾胃之大絡。皆布於胸中。足太陰脾脈絡胃。上膈。足陽明胃脈貫乳中。下膈。屬胃。絡脾。脾胃二經之脈。皆過其間。足厥陰肝脈。上貫膈。布脇肋。足少陽膽脈。合缺盆。下胸中。絡肝。循脇裏。手厥陰心包之脈。起於胸中。循胸出脇。下腋。手太陰肺脈。循胃口。上膈。橫出腋下。經云。衝脈任脈。皆起於胞中。任脈循腹裏。上關元。至胸中。衝脈俠臍上行。至胸中而散。乳房之部位。屬脾。

乳之經絡屬肝膽胸中空曠之地而行氣血。心主一身之血。肺主一身之氣。心肺皆在胸中。穀入於胃。以傳於肺。五藏六府皆以受氣。清者為營。濁者為衛。營氣行於經隧之內。衛氣行於皮膚肉分之間。乳汁生於脾胃之穀氣。故其味甘。疎洩主於肝膽。木氣。肝主疎洩是也。乳汁厚薄主於衝任之盛衰。衝任為氣血之海。上行則為乳。下行則為經。婦人哺乳則經止。男子之乳房屬腎。何也。男以氣為主。女以血為先。足少陰腎之脈絡膀胱。其直者從腎上貫肝膈入肺中。水中一點真陽直透三陰之上。水不涵木。木氣不舒。真陽不能上達。乳中結核。氣鬱無血液化。膿比女之更甚。雖云肝病。其本在腎。鄙見治乳症。不出一氣字。定

之矣。脾胃土氣壅則為痞。肝膽木氣鬱則為疝。正氣虛則為癆。氣虛不攝為漏。氣散不收為懸。痰氣凝結為癖。為核。為痞。氣阻絡脈。乳汁不行。或氣滯血少。澀而不行。若治乳從一氣字著筆。無論虛實新久。溫涼攻補。各方之中。揀理氣疎絡之品。使其乳絡疎通。氣為血之帥。氣行則血行。陰生陽長。氣旺流通。血亦隨之而生。自然壅者易通。鬱者易達。結者易散。堅者易軟。再辨陰陽虛實。譬如內吹外吹。乳癰乳疔。屬陽者多。乳巖乳懸。乳痞。乳勞等。屬虛者多。乳核。乳癖。等堅硬。屬氣鬱者多。何經之症。參入引經之藥。今採四十方。皆內科手筆。平淡中自有神奇。當細心參而玩之。採以羣書。加以巧思。臨症操縱。有權治法。自然可得。

徐河漢先生治東洞庭劉某夫人患乳癰。醫者不能消散。成功之後。又用刀向乳頭上寸餘出毒瘡。口向上。膿反下注。乳囊皆腐。寒熱不食。將成乳勞。內外二科。聚議無定。羣以為不治矣。延余診之。曰。此非惡證。治不如法耳。尚可愈也。但須百日耳。其家戚族皆少年喜事。聞余言。欲塞羣醫之口。向病家曰。我輩公懇先生留山中百日。必求收功而後已。如欲歸家。備快船以迎送。余初不允。繼勉承之。多方治之。至九十日。而未見功。病者柔弱畏痛。既不敢於乳下別出一頭。而膿水從上注下。頗難出盡。故有傳囊之患。忽生一法。用藥袋一個。於乳頭之下。用帛束縛之。

使膿不能下注。外以熱茶壺熨之。使藥氣乘熱入內。又服生肌托膿之丸散。於是膿復上泛。厚而且多。七日而膿盡。生肌果百日而痊。後以此法治他證。無不神效。可知醫之為術。全賴心思。轉變刻舟求劍。終無一驗也。徐洵溪。

余幼時。在太平洲治施姓。先有寒熱。後右耳後紅腫。如核桃。延外科某治之。謂耳後發。將耳後用刀挑穿。十餘日。膿不能出。因其瘡口向上。膿從下注。漸漸灌注於項。至肩如負一囊。肌肉日削。胃氣日敗。後到吾師藥肆中。賣藥。余見憫之。問其情形。曰。外科某要包醫。索五十金。因催佃長工。每月七百文。亦則能待。覽而已。言之淚下。余忿極。曰。富貴之人。輕醫。亦不可。貧窘之人。索

重謝亦可惡。余雖未習外科。與你治之。按其瘡軟如綿。郁郁皆膿。內中澗澗有聲。若再遷延。內傷裏膜。即用釘書鐵鑽。用紙捲緊。露鋒六分。燈盞火燒紅。在項後近肩井處。另燙一孔。使其濃可下出。當時插入紙捻。吞蠟礬丸。用圍藥。將醋調束其根。服提膿內托之藥。明日將紙捻拔出。膿出流之滿背。有碗許。惜其新開之孔太小。出之不盡。再用舊絮捲好。臥後墊於項下。將枕頭抽去。上下兩孔膿漸出。內有腐肉。塞口不能出。用銀匠之鐵鉗挾之。不能出。再從新孔之傍。離三分。另開一孔。藥線穿過。繫之潰開。將腐肉取盡。再將生肌之藥。用紙條插之。圍以敷藥。吞琥珀蠟礬丸。服補托之劑。而月而痊。固一時之憤。數十日不矣。幸

而藜藿之艱。能受此痛楚。若柔肌嫩肉。斷難收功。余二十歲
之事。今十有九年。未敢與人治一瘍症。知瘍科不易為也。余臨
鳴誌

。脇癰

東山沈 脇癰。由鬱怒而成。七情為病。難以調治。不可以外證忽
之。議與柴胡清肝湯。

柴胡

川芎

當歸

白芍

川鬱金

山梔

陳皮

甘草

德清韓 咳嗆久延。左偏脇肋高腫。色紫作痛。係效傷肝肺兩絡。
遂發瘰癧。此症最忌內潰穿膜。難以圖治。切勿輕視。

枇杷葉

杏仁

川貝

蘇子

天竺黃

瓜萸仁 桔梗 桑葉 蘆根 東瓜仁

看方 脇癭破後。旦夕流膿無息。抑且腥穢。此元氣衰也。如以欬
噎不減。胃氣困頓。甚非佳兆。當另圖謀。

黨參 白石英 生穀芽 桑葉 五味子

黃耆 陳淮麥 北沙參 橘白

蘇州張 脇次作痛。須防成癭。擬運行之法。

澄香 絲瓜絡 陳皮 青皮 萸仁

半夏 川鬱金 歸鬚

南潯卞 氣逆脇肋作痛。治從氣分絡分。

枇杷葉 新絳 澄香 青皮 通草

炙橘葉 蘇梗 陳皮

吳 右脇有形高突。按之無痛。此屬癥瘕。非若氣聚痰凝。難以推求。然病久僅阻在脈。須佐針刺宣通。正在伏天宜商。

真合粉 白芥子 半夏 鬱金

瓜萸皮 黑梔皮 橘紅 薑皮

王 騎射馳驅。寒暑勞形。皆令陽氣受傷。三年來。右胸脇形高微突。初病脹痛無形。久則形堅以硬。是初為氣結在經。久則血傷入絡。系於臟腑外廓。猶堪勉強支持。但氣鈍血滯。日漸癢痺。而延癥瘕。怒勞努力。氣血交亂。病必旋發。故寒溫消尅。理氣逐血。總之未能講究絡病工夫。致仲景於勞傷血痺諸法。其通絡方

夕壽聖書卷之三
法。每取蟲蟻迅速飛走諸靈俾飛者升。走者降。血無凝阻。氣可
宣通。與攻積除堅。徒入臟腑者有間。錄法。備未議。

蜣螂蟲 蟻蟲 當歸鬚 生牡蠣

煨木香 川芎 生香附 夏枯草

用大酒麩末二兩。加水稀糊丸。無灰酒送下。三錢。

此從仲景大黃蟄蟲丸。鯨甲煎丸。化出。輕者。金匱旋覆花湯。加
味亦妙。能靜註

葛 酒客大便久瀉。脇上曾發癰瘍。春夏脇下有形。腹形滿脹。此
久蘊濕熱。癰膿自利。未能洩邪。腸胃氣壅。利頻不爽。法當分消。
以去濕熱。若攻劫太過。必傷脾胃。議用丹溪小溫中丸。早進二

錢五分。晚進二錢五分。三兩。

○腋癰

香山鍾 腋癰。漫腫無頭。疼痛寒熱。皮色不變。係肝脾二經氣凝。血滯而成。投以柴胡清肝湯。

柴胡

連翹

防風

當歸

山梔

川芎

黃芩

甘草

瓜蒌仁

奉賢程

有時鼻衄。此熱在營分也。加以兩腋腫痛。皮紅高起。內已釀膿。但虛體未便鍼刀。待其緩破。俾一擁而出。易於收功。

稽豆皮

蠶甲

川貝

川石斛

地骨皮 牡蠣 陳皮

○肋癰

太倉朱 左肋硬腫。痛引右肋。綿延兩月。膿勢將成。近加噦嘔。飲食少納。此痛傷胃氣。以培中土為先。外瘍在次。

黨參 瓜蒌仁 甘草 川鬱金 茯苓

黃耆 半夏 陳皮 焦白朮 竹茹

黎里陳 肋癰屬厥陰經。故小便近陰囊處。抽掣引痛。皆屬肝絡也。理宜和肝化癰為治。

柴胡 蘇梗 桃仁 元胡索 製香附

青皮 茯苓 歸鬚 甘草節

腋脇肋皆在身之側。手厥陰胞絡之脈過腋。足少陽膽足厥陰肝。足太陰脾。足陽明胃。四經之脈皆行於脇肋之間。骨疎肉薄之處。與裏膜最近。腋脇肋生癰皆由肝脾鬱積。氣滯血壅。或肝膽火毒鬱怒而成。每生於體虛之人。先哲云。始終最忌寒涼。或云。始終當禁溫熱。鄙意思之。各有其因。身之側者。軀殼經絡之病也。寒涼溫熱直入中宮。與經絡不得相關。脾為至陰濕土之藏。寒涼易於敗脾。戕胃而伐生生之氣。脾胃一敗。噦嘔泄瀉變症百出。肝為風木。膽為相火。風性喜竅。火性善熾。誤投溫熱。不異抱薪救火。風火相搏。易竄易潰。倘裏膜一穿。立見其危。古人治法。壯胃氣者。藉穀氣而生氣血。即內托之法也。疎絡者。使其

血氣流通。即外消之法也。今採十一方。皆疎肝理氣。清熱消痰。和胃化痰等法。不犯溫熱寒涼之弊。再兼蟲蟻之搜求。絡中之凝滯。小溫中之利濕分消。皆出神入化之思。臨症潛心體認。治法自有進階矣。余聽鴻註。

壬午。余至琴川。有一興福賣糕糰者。脅骨生癰。瘍科謂外肺癰。開刀出毒四十餘日。瘡口不斂。時流稀膿。家宮聽其不治。余診之。脈來虛弦。兼數。咳。痰。白。痰。咳。則。稀。膿。流。出。漸。成。瘡。勞。幸。裏。膜。未。穿。與。服。蠟。葵。丸。先。護。裏。膜。進。以。金。匱。旋。覆。花。干。金。葦。莖。法。旋。覆。新。降。枳。杷。葉。生。冬。西。瓜。子。苡。米。淮。山。藥。石。斛。生。扁。豆。茯。苓。川。貝。鮮。荷。梗。橘。葉。鮮。百。合。毛。燕。之。類。肺。胃。並。治。服。三。十。劑。咳。減。納。

增膿出漸少而厚。先以提膿未藥提之。再以生肌等藥填之。兩
月餘而愈。所以緩治平淡久則自然有功。再服毛燕月餘咳止。
瘡口平復如此症。或醫藥寒涼溫補亂投。或病家性急不信服
藥。每棄而不治者多矣。余馳鴻

腹部

○小腹癰

許聖關王 小腹漫腫堅硬○皮色不變此腹癰也○係七情鬱結脾虛氣滯而成○擬和氣養營湯主之○

黨參

陳皮

白朮

黃耆

茯苓

當歸

熟地

沈香

甘草

丹皮

丹陽田

小腹癰

官桂

艾絨

山楂核

炮薑

木香

神麩

丹皮

薤白頭

枳殼

南潯董

小腹隱痛○木腫不散○脈來細數○便秘食少○殊屬虛候○須

得膿洩方保無虞。

黃耆

杏仁

生大黃

青皮

桃仁

角鍼

芒硝

大腹皮

苡米

少腹癰一症。在臍下關元丹田等穴。陳遠公云。此處必無陽症。因其屬陰部位也。一用陽藥。立可成功。心法曰。小腹癰由七情火鬱而生。又不能用熱藥。不若見證治證為要。如漫腫堅硬。皮色泛紅。有熱為陽。七情鬱火所結。當以清化無熱不紅者屬陰。寒凝結。血阻氣滯而成。當以溫通。若膏梁煎燥。或喜服丹砂。鬱熱內壅。苦鹹速下。亦不可少。余採三方。虛者補之。秘者下之。寒者溫之。先生用藥變化。已見大概矣。然腹部癰疽各症。當用以

針直針易穿裏膜耶聽鴻註

○腹皮癰

嘉定姚 咳嗽血色。痰濁不鮮。此肺經伏熱。加以臍旁皮裏膜外。隱痛不止。日久腫發於外。結成腹皮癰。脈來沉數而細。擬清解肺胃。佐以雙解貴金丸下之。以參消息。

蘇子

紫苑

茜草

桑葉

杏仁

桔梗

冬瓜仁

牙根

附雙解貴金丸

生軍

五錢

白芷

二錢

五分

研末為丸

葱酒送下

服之藥前

○臍癰

蘇州呂 手少陰火毒移於小腸。以致神關腫痛高突。若鈴皮色不變。並無寒熱。外用隔蒜灸。內服清涼之劑。以望消散。

黃連

連翹

山梔

黃芩

檳榔

木香

甘草

赤芍

銀花

○臍漏

盛澤楊 臍癰破後。時流穢水。面色晄白。脈更無力。瘡怯之漸也。

擬固本育陰為主。

生熟地

天冬

茯苓

山藥

黃耆

骨碎補

女貞子

麥冬

丹皮

澤瀉

此臍漏傷陰時火外越

○臍中出水

吳江朱 臍中。不痛不腫搔癢則黃津流出。此屬腸胃濕熱宜黃連平胃散主之。

黃連

蒼朮

甘草

黃芩

厚樸

陳皮

米仁

赤苓

少腹臍部五方。如腹皮癰兼肺熱丸煎並行丸藥過胃至下焦而化。下其已壅之痰而不傷胃湯劑輕浮治上不犯下焦內中一味桔梗更有深意。

臍癰。心為火藏。小腸火府。火鬱於內。寒氣凝於外。苓連苦先入心。洩熱。加以行滯理氣解毒。再以隔蒜灸通陽。治法極密。臍漏傷陰。固本育陰之六味。滋腎水則火焰自熄矣。臍中搔癢出

水之黃連平胃散之除濕化熱雖遵古法施治若平時用功
豈能到此腹部之癆用藥須保脾胃法行經活血之品倘誤用
寒涼剋伐脾胃一舉腫陷難潰潰後難斂裏膜一穿多致不救
余聽鴻註

前後陰部

○前陰

某 酒客淋濁。必係濕熱之邪。著於氣分。故五苓八正。俱用通利。病數年不愈。必由情欲致傷。敗精血阻於內竅。溺與精異路同門。莖中因敗精腐阻居多。必通敗精。一定之理。

杜牛膝

一兩五錢

搗汁沖入麝香三分

虎杖散

某 寒入厥陰之脈。結為氣疝。痛則脹升。氣消絕無踪跡。疝氣下元已虧。不可破氣攻疝。尿管痛。或溺阻。溫養下元。佐以通竅。

鹿茸

麝香

韭菜子

蛇床子

茴香

歸身

覆盆子

青鹽

某 脈象和緩小便時莖中痛連及上若溺長則不病也此係陰
中有火宜以養榮合導赤用東垣法

熱地

黃耆

白芍

於朮

歸身

陳皮

炙草

茯苓

生草梢

木通

淡竹葉

常熱沈 莖頭紅腫溺管澀痛小溲點滴難出係腎水不足陰中
伏熱故暑天則發秋冬則瘥是內陰不勝外也擬知柏八味滋
水洩熱

生地

丹皮

黃柏

知母

澤瀉

淮山藥

茯苓

麥冬

荷梗

萊豆皮

高

脈數汗出身熱吐血五日胸腕不舒舌色白此陰虛本質暑

熱內侵管絡。漸有時瘡之狀。小溲莖中作痛。宜通腑經為宜。

鮮生地

連翹

滑石

竹葉

鬱金汁

甘草梢

福山褚

莖頭腐爛作痛。小溲渾濁。溺管澀痛。舌白口穢。脾經濕

熱下注。擬利濕清熱。

白朮

黃柏

苡米

豬苓

赤苓

忍冬藤

滑石

通草

甘草梢

鮮荷梗

子癰

某 疝本肝腎為病。又挾濕熱下注。以致睪丸腫癢。昔子和分導

濕熱。丹溪利氣辛芳。以二者兼治之。

草薺

白薺皮

茯苓

米仁

通草

生草梢

○囊癰

陳脈沉弦。舌灰邊白。腰跨氣痛。腎囊羸丸腫大。此濕熱為病。亂喫發散消導。濕邪下墜。魚疔。治當分消。

草薺

黃柏

山梔

茯苓

丹皮

防己

豬苓

澤瀉

湯囊腫腹脹。此屬瘡蠱。

茯苓皮

海金沙

白通草

大腹皮

厚樸

廣皮

豬苓

澤瀉

江 昨逢分消方熱。勢畧減。小溲畧通。所有濕熱穢濁。混處三焦。非臆說矣。其陰莖囊腫。是濕熱甚而下墜入腑。與方書莖腫軟症有間。議河間法。

飛滑石

石膏

杏仁

厚樸

猪苓

寒水石

澤瀉

絲瓜葉

又

川連

淡黃芩

生白芍

枳實

六一散

廣皮白

生穀芽

內經曰。足三陰之脈逆行。皆從足走腹。濕氣自下先受。內經曰。三焦者。決瀆之官。水道出焉。上焦如霧。中焦如漚。下焦如瀆。瀆者。蓄洩之謂也。下焦者。別迴腸。注於膀胱。而滲入焉。下焦不治。

水蓄膀胱。腎為水之藏。膀胱為水之府。莖為洩水之路。精之道也。脾為濕土。脾虛濕積。水蓄不能洩。肝主疎洩。莖為筋之宗。熱壅不能洩。腎為胃之關門。濁陰閉而不能洩。所以莖頭溺管。腎囊之症。先以利濕為先。譬如脾藏濕熱者。五苓散等。取朮以健脾。洩之。肝藏濕熱。龍膽瀉肝等。苦而洩之。腎經之濕。以通關滋腎。知柏地黃等。兼養陰而洩之。所以下疳囊癰濕熱病也。先通水通。使其壅塞。濕熱腐精。敗血滌而清之。不致為患。倘躊躇不決。發表攻裏。不能及病。如水迴薄。瘀蓄不通。滲入囊中。則囊穿阻於莖中。則莖腐。若能早使其下洩。無決岸潰堤之患。雖生癰。難於成功。如囊癰下疳。燙火鍼。囊腫成膿。皮厚。須先按定頭在

何處用墨畫線將鍼用紙捲好露鋒幾許將畢丸推開臥鍼刺之可不損畢丸裏膜易於收功屢治皆驗余物鴻註

○肛漏

王氏凡女科書首篇必論調經既嫁必究孕育結禱十載未能得胎病在至陰之藏延及奇經八脈述經遲晨泄心若搖漾得食姑緩肛瘍久漏都屬下損。

人參 紫石英 當歸 茯苓

鹿茸 補骨脂 棗艾湯泛丸

徐 虛損四年肛瘍成漏食物已減什三形瘦色黃當以甘溫培中固下斷斷不可清熱理嗽

人參 茯苓 山藥 吳草 艾實 蓮肉

陳春病至夏日漸形色消奪。天地大氣發泄。真氣先傷。不主內守。為損怯之症。不加靜養。損不肯復。故治嗽治熱無效。交節病加。尤屬虛象。脈左數甚。肛有漏瘍。最難調治。

熟地 炒山藥 茯苓 建蓮 猪骨髓

曹肌肉蒼赤。脈小數疾。童年真陰未充。囊下肛前。已有漏。危陽升。失潛巔竅如蒙。常與壯水制火。猶慮變幻損怯。

六味去萸肉。加生白芍。黃柏。知母。人中白。蜜丸。

王少年陰火直升。直降上則失血。咳逆下墜。肛瘍延漏。皆虛勞見端。食減至半。胃關最要。非可見熱投涼。以血嗽泥治。

肺與大腸為表

東肺移熱於下則成肛漏
培土生金把握中宮之法

熟地炭 建蓮 霍石斛 茯神

炒山藥 芡實

鄭 虛損四五年。肛漏未愈。其咳嗽失血。正如經旨。精不主上奉。陽氣獨升降。奈何見血投涼。治嗽理肺。病加反覆。胃困減食。夫精生於穀。中土運納。則二氣常存。久病以寢食為要。不必汲汲論病。

生黃耆 訶子肉 黃精 白芨 苡仁

南棗 泔水煎膏不用蜜收。畧飢用五錢參湯送。

楊 驚惶念怒。都主肝陽上冒。血沸氣滯。瘀濁宜宣通以就下。因

誤投止塞宿痰不清新血又瘀絡中而月屢屢反覆究竟肝膽
氣血皆鬱仍宜調達宣揚漏瘍在肛得體中稍健設法

旋覆花

新絳

青蔥管

炒桃仁

柏子仁

肛漏者皆屬肝脾腎三陰氣血不足何以肛漏在三陰者足三
陰任督之脈皆走前後二陰之間肺與大腸為表裏肛者肺之
使大腸之門戶也始因酗酒辛辣醉飽入房疾奔久坐筋脈橫
能臟腑受傷經云陷脈為瘻氣虛濕陷為痔痔破久漏氣血皆
虛肺主一身之氣賴無形約束有形三陰漸虛肺亦隨之而弱
肺實則溫溫則內氣充而有所蓄肺虛則寒寒則內氣耗而不
能收蓄有形滋膏肺為五藏之首佈精諸藏諸藏一虛肺反受

諸藏之漸何也。脾虛土不生金。子不能受母之益。腎虛水不養金。子反盜虛母氣。金堪伐木。肝陰不肥。木火反來刑金。肺之一藏受諸藏之創。氣虛不能收束。肛漏滋水淋漓。若不杜漸防微。如一蟻潰。隄滄海漏卮難甯。脾氣不固。則泄瀉。腎氣不固。則遺精。肝火刑金。吐痰嗆咳。久積成勞。如針之空。竟可傷身。所以治漏之法。如堤之潰。如屋之漏。不補其漏。安能免乎。治漏者。先固氣血為先。氣旺內充。而能收蓄。使其不漏。可無害矣。津液日增。虛損可復。若專顧其瘡。插紅升白降。或線穿翦割。使其小而致大。大而致潰。虛弱柔嫩之軀。痛苦萬狀。愴地呼天。莫之能救。將內之新肉。做成腐膿。敗血再服。苦寒戕削。利濕傷津。致成內熱。

肌削喘促腹膨泄瀉而死者誰誤之也。嗚呼病者為一線之孔。願受剛割之刑。醫者竟將號痛極慘之地。而神其伎。名重者。此皆然。致人於死地。庸庸者。無須言矣。今存六方。竒脈久漏空虛者。以有情之品填之。久漏胃弱。以甘溫之品固之。陰虛陽亢。滋陰藥中。佐苦以堅之。土不生金者。甘溫培中。兼酸以收之。各方之中。蓮子、艾實、訶子、中白、固攝真元者。皆補漏之法也。質之諸賢。不以鄙言為迂談矣。余聽鴻註。症極致人於死地。句宜在初。又按之下。

○痔瘡

曾五二脈弦動。眩暈耳聾。行走氣促無力。肛痔下垂。此未老欲衰。腎陰弱。收納無權。肝陽熾。虛風蒙竅。乃上實下虛之象。質厚填陰。

甘味熄氣節勞戒飲可免仆中。

虎潛去鎖陽知母加大肉旋蓉煉蜜丸。

某六冬季咳嗽吐痰漸至臥則氣衝喘急起坐今三載矣經以肺腎為俯仰之藏是肺主出氣腎主納氣老年患此按脈左弦右沉為腎氣不收主治不必因痔患而畏辛熱。

腎氣丸去牛膝肉桂加沉香蜜丸。

徐一失血能食痰嗽色蒼脈數可與甘涼養胃中之陰胃和金生痔血便燥柔藥最宜。

生扁豆 生地 天冬 麥冬 銀花

柿餅灰 側柏葉

祝四五中年已後瘦人陰虧有熱飲酒濕熱下墜精濁痔血皆熱走入陰則陰不固攝前方宗丹溪補陰丸取其介類潛陽苦味堅陰若用固澁必致病加

水製熟地 鹹秋石 天冬 茯苓

龜版膠 黃柏 知母 猪骨髓搗丸

徐 五旬又四勞心陽動陰液日損壯年已有痔瘡腸中久有濕熱酒性辛溫亦助濕熱濕熱下注為瘰為淋故初病投入正五苓珠氣中之壅也半年不痊氣病漸入於血絡考古方惟虎杖散最宜

虎杖散 即土牛膝麝香

江 脾宜升則健胃宜降則和。蓋太陰濕土得陽始運陽明燥土得陰始安。以脾喜剛燥胃喜柔潤。仲景急下存陰治在胃也。東垣大升陽氣治在脾也。今能食不運醫家悉指脾弱是病。但診脈較諸冬春盛大兼強據經論病獨大獨小斯為病脈脾臟屬陰胃腑屬陽脈見弦大非臟陰見病之象久病少食猶勉強支撐兼以大便窒塞泄氣不爽坐臥片刻咬氣頻頻平素痔瘡腸紅未向安適此脈症全是胃氣不降腸中不通腑失傳導變化之司。古人九竅不和諸屬胃病六腑為病以通為補經年調攝不越參朮桂附而毫之應效不必再服湯藥議仿丹溪小溫中丸服至七日俾三陰三陽一周再議治之義。

小温中丸二兩一錢 每日三錢清晨開水服

某 能食腸血脈細色痿肛漏下墜議酸苦熄風堅陰。

炙肉炭 黃柏炭 地榆炭 禹糧石

五味炭 赤石脂

某 凡有痔疾最多下血。今因嗔怒先腹滿。隨瀉血。向來糞前。近日便後是木鬱於土中。氣滿為膨。氣走為瀉。議理中湯。泄木佐之。

人參 附子 炮薑 茅朮 厚樸

地榆 升麻 醋炒 柴胡 醋炒

某 三內熱。腸紅發痔。當清血分之熱。

生地 炒丹皮 酒炒黃芩 黑山梔

元參 柿餅灰 炒黑槐花 銀花

支^五痔血久下。肌肉痿黃。乃血脫氣餒。漸加浮腫喘促。再延腹脹。便不可為。此症臟陰有寒。腑陽有熱。詳於金匱穀疸篇中。極難調治。

人參 焦朮 茯苓 廣皮 炒兔絲子

木瓜 益智

徐^六冬月嘔吐之後。漸漸巔頂作痛。下焦久有積疝。痔瘡。厥陰陽明偏熱。凡陽氣過動。變化火風。迅速自為升降。致有此患。

連翹心 元參心 桑葉 丹皮 荷葉汁

女訓書卷之三
卷三
黑梔皮

戴九痔瘡下血濕熱居多。今色衰微顯。是虛寒無速效法。則當補脾胃。因痔瘡猶痛。腫勢尚存。佐以淡滲通腑。

生於朮 生兔絲粉 生象牙末 生白蠟

某診脈。右弦左濡。久痔注血。致納食不易運化。此脾胃先傷。胃陽繼困。府氣不能宣暢。大便不爽。溫補未能通調。府氣踈滯。更損脾胃。生陽。東垣每以治土必先達木。不宜過投燥劑。仿古治中湯法。佐以踈肝解鬱。

人參 青皮 黑槐米 查肉 茯苓

木瓜 陳皮 益智仁

葉 發寒汗大出。下有痔漏。左眼眶疼痛。此陰傷火鬱。不可作時邪泛治。

六味去芎肉。加芍蔓荆子丹皮重用。

痔漏者。名異類同。始則為痔。久則成漏。先哲或云。當大補氣血。或云足三陰不足。風熱濕熱下注。先祛風熱濕熱。余以醫本不能拘執成法。若拘於書。反被其困。如作文。千萬題目。洞悉題情。見題作文。不解思索。醫家亦然。能洞悉病源。見病治病。心手相應。此皆平昔工夫。書亦不可少也。今採之方。先賢治病。節節玲瓏。如未老欲衰之虎潛法。甘味熄風。腎氣不納之腎氣法。溫納下焦。肺胃陰虛之三才法。甘涼養陰。中年陰虧。大補陰之苦味。

堅陰。如濕熱入於血絡之虎杖散。濕熱阻於腸胃之小溫中丸。
久痔下血之禹糧石脂。堵塞陽明。佐酸苦熄風。木尅中土。便血
腹膨。理中湯佐以升清泄木。內熱腸紅。清血分之熱。藏寒府熱
之利濕溫中。肝胃偏熱之清肝化熱。痔血日久。用象牙白蠟填
塞肛中之漏。脾傷胃困。用治中湯之扶土疎肝。方雖十二。無一
雷同。若非平日考覈羣書。豈能到此。足啟後人心智。較動輒苦
寒傷胃。線繫剪割。拔藥者。不啻如霄壤之殊矣。願為瘍科者。平
昔專心內科。捨末求本。而治蒼生之幸也。余聽鴻註

內經曰。因而飽食。筋脈橫解。房室勞傷。腸辟為痔。風熱不散。穀
氣流溢。傳於下部。故令肛門腫滿。結如梅李核。甚者。而變成瘻。

也。五臟切宜保養。勿令受邪。所痔漏者。當調飲食。寡慾節勞。皆可帶病延年。如插爛藥。刀割。煎煎。線繫。余見已多。收功者鮮。如余三十歲時。肛側外如李。潰膿後。深寸餘。插藥條。逐日有膿。中按有孔。如豆大而深。余即以海浮散膏藥貼之。內服調和氣血之藥。一月痊愈。如故。後逢房室勞碌。即脹流水。余即寡慾節勞。今已十五六年。未發。若使外治。穿肛潰腎。亦未可知。聽誌。

股脛脛足部

環跳

廉三診脈論體。從遺精漏瘍。繼而環跳穴痛。遂不堪行走。臟陰傷及腑陽。陽氣日加窒塞。經脈不司舒展。食入壅脫欲吐。大便旬日不通。痞阻日甚。而為痿症。內經論治痿。獨取陽明。無非流通胃氣。蓋胃脈主平。約束筋骨。利機關竅也。議用加味溫膽湯。又大便旬日不通。用更衣丸。取意小腸火腑。非苦不通。非下不奪也。

塗六痛起肩胛。漸入環跳。脾膝。是為絡虛。

黃耆 五錢 於朮 三錢 當歸 三錢 茯苓 二錢

防已八分 防風根五分 羌活五分

又 照前方。去防風羌活。加杞子沙苑。

何七腰痛。環跳穴痛痺。

桂枝木 沙苑 小茴 茯苓 炒杞子

桑寄生

胡氏懷妊六月。陽明司胎。閃動絡脈。環跳痛連腰脊。最防胎氣。

歸身 桂枝木 炒杞子 炙草 羊脰骨

茯苓

莊四督虛背疼。脊高突。

毛鹿角 鹿角霜 一錢 歸身 一錢
三錢 杞子 三錢

生杜仲

一分

沙苑

一分

茯苓

一分

青鹽

三分

某

尾閭骨痛以異類有情者補之

猪尾骨

歸身

木瓜

新絳

環跳穴痛。瘍科皆云附骨陰疔。又云附骨癰疽。實係足三陰經少陽氣宣通。體虛之人。寒濕所襲。流注骨節之間。氣痺血阻。所致。日久不治。寒鬱化熱。為膿。先宜溫通氣血。無不效驗。或夾風或夾痰。奉入祛風消痰。下焦溫則寒疑自散。余治亦不少。未見有釀成內潰者。至於脊痛。尻痛。皆腎益督脈不足。以異類有情之品補之。若兼症。前溫膽湯。更衣丸。皆治法之變化也。此皆內症錄入瘍科者。恐瘍科一見。即謂陰痰。或以大劑陽和湯。溫熱

助火。或發表攻裏。戕賊正氣。火熾亂刺。致成勞怯者亦多。若能
內外兩科。水乳交融。深思好學。筆無滯機。即內科之明哲。瘍科
之上工也。余聽鴻註

○膝脛足脚氣

蔣七歲足膝腫疼。久不止。內熱。

生虎骨 炒牛膝 草薢 金毛狗脊

仙靈脾 當歸

又 照前方加生鹿角。黃柏。

汪二脈滿。腰髀環跳志痛。煩勞即發。下焦空虛。脈絡不宣。所謂絡
虛則痛是也。

歸身 桂枝木 萆薢 木防己 牛膝

沙苑 生杜仲 小茴

曹三溫鬱 少腹痛引腰右脚痠。

木防己 飛滑石 茯苓皮 厚樸

晚蚕沙 草果 草薢

某 診脈右部虛軟無力左足內踝腫漸大此足三陰經脈所行之處藏真虧損何疑議用峻補方。

六味丸加 河車 杜仲 牛筋 鹿筋

菟絲子 川續斷 麥冬 黃柏

用黃牛骨髓羊骨髓猪脊髓精羊肉煎湯入淡菜同熬膏丸。

○足指

某 遺由精竅。淋由溺竅。異出同門。最宜分別。久遺不愈。是精關不攝為虛。但點滴痛癢。少腹堅滿。此屬淋閉。乃氣墜不通。未可便認為虛。況夏秋足指先腐。下焦益有濕熱。氣不流行。膀胱撐滿。遂致堅滿耳。五苓散主治。

五苓散

某 嘔逆吐涎。衝氣攻心。足大跗指。硬強而痛。

淡吳萸 熟附子 獨活 北細辛

當歸 漢防已

○脚氣

某氏脚氣古稱南地多因濕熱醫用苦辛宣通開氣滲濕久進病未祛除而血液反耗心熱氣沖目黃嘔涎煩躁頭痛昏厥四肢筋縱掣瘓大便堅濇顯然肝血衰涸內風掀越此風乃陽氣之化非外來八風同例而治分經辨治病在肝藏擾動胃絡由氣分濕熱延中血中枯燥靜攝小安焦煩必甚蓋內傷情懷草木難解斯為沈痼。

石決明 稽豆皮 天冬 生地 阿膠

羌蔚子

丸方 生地 白芍 天冬 丹參 杞子

阿膠 麥冬 知母 稽豆皮 羌蔚子

桂圓肉

某脚氣行痺。左右更代而痛。宜溫通方。

桂枝

獨活

秦艽

貝齒

茯苓

防風

附子

木瓜

草薢

米仁

晚蚕沙

海桐皮

倪姬濕熱脚氣。上攻心胸。脫中滿脹。嘔逆。乃濕上甚為熱化。與苦辛。先治在上之滿脹。用瀉心法。

川連

黃芩

枳實

半夏

薑汁

杏仁

吾吳地偏東南。水多土少。濕盛土虛。濕邪為害最多。內經云。中於濕者。下先受之。下焦如瀆。水濕易積。足三陰之脈。從足走腹。

足三陽之脈從頭走。濕之有餘。從陽化者。為濕熱。濕之日陰。虛者。凝滯。從陰化者。為寒濕。外來之濕。夾風者。利濕中兼祛風之品。脾肝腎三陰不足。血燥亦可生風。溫補肝腎。亦佐祛風。足少陽足厥陰脈。皆在足。故易於生風也。脚氣亦有寒熱虛實。皆要認清。不可混淆。倘補泄一誤。立見衝心悶絕者。有羣書可考。鄙亦不瑣言焉。余聽鴻註

余於壬午至琴川。治大市橋吳姓。成衣匠。二十五歲而色青黃。腰重足腫。至股軟而無力。兩人掖之而行。病起一年有餘。服藥將及二百劑。罔效。按脈滯滯氣促。余曰。此症却未見過。想其情。即黃帝云。緩風濕痺。金匱云。著痺。濕著而不去。腰中如帶五千

錢千金所云脚弱病也。俗名濕脚氣。甚則止衝心腹。亦能致命。濕脚氣。誤投補劑。氣閉死者最多。即進活人栝榔飲一劑。服後徧體汗出。直至足心。兩劑腫勢皆退。履用本事杉木散三劑。霍然。藥不值百文。愈此大症。古人立方。決不欺後學。用之的當。如鼓應桴。今將二方錄後。高明鑒政。

活人栝榔飲

栝榔末

一錢五分

橘葉

四錢

杉木片

一兩

陳酒

三兩

童便二兩 河水兩大碗。煎之一大碗。濾清。調栝榔末。飲盡。劑覆以被。汗出為度。

本事杉木散加味方

杉木片

四錢

大腹皮

一錢

橘葉

二錢

橘皮

二錢

檳榔 二錢

防己 二錢

附子 四分

陳酒 二兩

童便 二兩